

Naqqiut  
Taarserlugu inatsisissatut siunnersuut 20. august 2010-meersoq

(Inatsisip Imarisaanik annikitsutigut oqaatsinullu tunngasunik allannguisoqarpoq)

**Qamutit motortillit akileraarutaat pillugit Inatsisartut inatsisaata allanngortinneqarnis-  
saanik siunnersuut**

**Saqqummiussinermi oqaaseqaatit**  
(Aningaasaqarnermut Naalakkersuisoq)

**Siullermeerutaasumik suliarineqarnera**

Naalakkersuisut sinnerlugit qamutit motortillit akileraarutaat pillugit Inatsisartut inatsisaata allanngortinnissaanik siunnersuut matumuuna saqqummiutissavara

Siunnersuutigineqarpoq qamutit motorillit akitsuutaat oqimaassutsinut immikkoortitigaasut 10-50%-imik qaffanneqassasut 2011-imi atuutilertussamik. Oqinnerpaanut (900 kg, tikillugit oqimaassusilinnut) akitsuut 10%-imik qaffanneqassasoq, oqimaassutsinullu tullernut (901 kg.-miit 1.500 kg. tikillugit) 20%-imik qaffanneqarluni.

Aammattaaq siunnerssutigineqarpoq, oqimaassutsimut immikkoortoq nutaaq atorneqalissa-soq (1.501 kg.-miit 1.800 kg.-mut), taakkunungaluk akitsuut siusinnerusukkat akitsuutinut naleqqiullugu 30%-imik qaffanneqarluni. Oqimaannerpaanut (biilit 1.800 kg. sinnerlugit oqimaassusillit) akitsuut 50%-imik qaffanneqassasoq siunnersuutigineqarpoq.

Oqimaassutsinik nutaamik immikkoortitaqarneq akitsuummillu pingaartumik oqimaannernut qaffaaneq, ukiuni kingulliunerusuni oqimaannernik tamatumunna ilaatigut aamma biilnik mingutsitsinerusunik eqquusuilersimanermut atatillugu isigineqassaaq.

Naalakkersuisut naatsorsuutigaaq biilnut akitsuutitigut qaffataasutigut ukiumut 17 mio. koruunit missiliorlugit isertinneqartassasut.

Taamatut oqaaseqarlunga Naalakkersuisut sinnerlugit siunnersuut Inatsisartunut suliarisassanngortippara aammalu Akileraartarnermut Akitsuusiinermullu Ataatsimiititaliami suliarineqareernerani aappassaaneerutaasumik suliarineqartussanngorlugu.